

## UVODNA RIJEČ

Poštovane kolegice i poštovane kolege,  
sa zadovoljstvom predstavljamo 25. broj časopisa *Radovi Filozofskog fakulteta* u Sarajevu. U ovom broju *Radova Filozofskog fakulteta* u Sarajevu sabrani su radovi regionalnih i bosanskohercegovačkih naučnika i stručnjaka. Objavljeni radovi predstavljaju raznolik spektar tema i istraživačkih pristupa koji pripadaju sljedećim naučnim disciplinama: lingvistici, nauci o književnosti, filologiji, metodici nastave stranog jezika, pedagogiji, psihologiji, komunikologiji.

Posebna vrijednost ovog broja časopisa ogleda se u objavljivanju *Temata* u povodu 200 godina od rođenja i 140 godina od smrti Fjodora Mihajloviča Dostojevskog (1821–2021). U ovom dijelu časopisa ponuđeno je sedam tekstova koji iznova propituju veličinu i vrijednosti klasičnih djela Fjodora Mihajloviča Dostojevskog. Uz iskrene čestitke autorima tekstova iz *Temata*, iskazujemo veliku zahvalnost urednici prof. dr. Adijati Ibrišimović-Šabić.

Ovom prilikom želimo zahvaliti recenzentima na stručnoj podršci i korisnim prijedlozima koji su donijeli unapređenje kvalitete radova u ovom broju *Radova*.

Zahvaljujemo autorima objavljenih tekstova ovogodišnjeg izdanja *Radova* što su odabrali ovu publikaciju kao izvoriste afirmacije društvenih i humanističkih nauka.

Iskreno se nadamo da će *Radovi Filozofskog fakulteta* u Sarajevu biti koristan izvor ideja i saznanja, te da ćete uživati u čitanju stranica ovogodišnjeg izdanja časopisa.

Uime Redakcije časopisa,

Emina Dedić Bukvić  
Glavna urednica